


Տպագրված է ընդամենը 3 օրինակ

ՕՐԻՆԱԿ 1

ՀԱՍՏԱՏՎԱԾ Է

«ԺՈՂՈՎՐԴԱՎԱՐԱԿԱՆ ՀԱՄԱԽՄԲՈՒՄ»
կուսակցության 2021թ. փետրվարի 27-ի
հիմնադիր համագումարի
որոշմամբ

«ԺՈՂՈՎՐԴԱՎԱՐԱԿԱՆ ՀԱՄԱԽՄԲՈՒՄ»
կուսակցության նախագահ

 Սուրեն Պետրոսյան

ԳՐԱՆՑՎԱԾ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԻՐԱՎԱԲԱՆԱԿԱՆ ԱՆՁԱՆՑ ՊԵՏԱԿԱՆ
ՌԵԳԻՍՏՐԻ ԳՈՐԾԱԿԱԼՈՒԹՅԱՆ
ԿՈՂՄԻՑ

" 11 " 06 2021 թ.

գրանցման համար՝ 211.172.1182150

ՀՎՀՀ՝ 02842473

աշխատակից՝



«ԺՈՂՈՎՐԴԱՎԱՐԱԿԱՆ ՀԱՄԱԽՄԲՈՒՄ»

ԿՈՒՍԱԿՑՈՒԹՅԱՆ

ԿԱՆՈՆԱԴՐՈՒԹՅՈՒՆ

1. ԸՆԴՀԱՆՈՒՐ ԴՐՈՒՅԹՆԵՐ

1. «Ժողովրդավարական համախմբում» կուսակցությունը (այսուհետ՝ կուսակցություն) Հայաստանի Հանրապետության քաղաքացիների՝ անհատական անդամության հիման վրա ձևավորված հասարակական-քաղաքական միավորում է, որը գործում է Հայաստանի Հանրապետության տարածքում՝ ՀՀ Սահմանադրության, «Կուսակցությունների մասին» ՀՀ սահմանադրական օրենքի, ՀՀ օրենսդրության, իրավական ակտերի, սույն կանոնադրության, ինչպես նաև իր ծրագրի հիման վրա:

2. Կուսակցության գործունեության հիմքում ընկած են օրինականության, ժողովրդավարության, հրապարակայնության, անդամների իրավահավասարության, անդամության կամավորության, կառավարման կոլեգիալության, ինքնակառավարման, թափանցիկության և նախաձեռնությունների ազատ դրսևորման սկզբունքները:

3. Կուսակցությունն իրավաբանական անձ է, օգտվում է ՀՀ օրենսդրությամբ ընձեռված բոլոր իրավունքներից և կրում է դրանցով սահմանված պարտականություններ: Կուսակցության կառուցվածքային և տարածքային (առկայության դեպքում) ստորաբաժանումները գործում են կուսակցության կանոնադրության (այսուհետ՝ կանոնադրություն) հիման վրա և դրան համապատասխան:

4. Կուսակցությունը ձգտում է ՀՀ Սահմանադրության և օրենքների շրջանակներում ժողովրդավարական ընտրությունների միջոցով ապահովել իր ներկայացվածությունը պետական կառավարման ու տեղական ինքնակառավարման մարմիններում և այդ ճանապարհով մասնակցել պետական իշխանության և տեղական ինքնակառավարման մարմինների ձևավորմանը և պետական քաղաքականության մշակմանն ու իրականացմանը:

5. Կուսակցության անվանումն է՝

1) հայերեն՝ «Ժողովրդավարական համախմբում» կուսակցություն (հապավումը՝ ԺԴՀԿ):

2) ռուսերեն՝ партия «Демократическая консолидация».

3) անգլերեն՝ «Democratic Consolidation» Party:

6. Կուսակցությունն ունի խորհրդանշան, դրոշ, ձևաթուղթ, կլոր կնիք, բանկային հաշիվներ, այդ թվում՝ արտարժույթով: Կուսակցությունը կարող է բանկային հաշիվներ ունենալ միայն ՀՀ տարածքում գործող՝ Կենտրոնական բանկի լիցենզավորած բանկերում:

7. Կուսակցության խորհրդանշանը իրար մեջ միահյուսվող ժապավեններ են: Այն խորհրդանշում է պատմականության վրա հիմնված շարունակական արդիականացումը ժողովրդավարական համախմբման միջոցով: Խորհրդանշանը պատկերվում է կամ սպիտակ գույնով փիրուզագույն ֆոնի վրա կամ փիրուզագույնով սպիտակ ֆոնի վրա: Խորհրդանշանից աջ գրված են «Ժողովրդավարական համախմբում կուսակցություն» բառերը:

8. Կուսակցության խորհրդանշանի նկարագրության գունավոր պատկերները ներկայացված են սույն կանոնադրության անբաժանելի մաս կազմող Հավելված 1-ում:

9. Կուսակցության խորհրդանշանը պատկերվում է ԺԴՀԿ դրոշի, կնիքի, ձևաթղթի, կրծքանշանի և անհատականացման մյուս միջոցների վրա:

10. Կուսակցության դրոշն իրենից ներկայացնում է լայնության և երկարության չափերի 1:2-ի հարաբերակցությամբ, կենտրոնում՝ կուսակցության խորհրդանշանի պատկերով պաստառ: ԺԴՀԿ դրոշի լայնության և երկարության հարաբերության չափերի պահպանմամբ կարող է օգտագործվել նաև փոքր կամ մեծ չափի դրոշ:

11. Կուսակցության իրավաբանական հասցեն՝ Հայաստանի Հանրապետություն, ք. Երևան, Մաշտոցի պողոտա 33/1 շ., 8 տարածք:

12. Կուսակցությունը գործում է ՀՀ ամբողջ տարածքում:

II. ԿՈՒՍԱԿՑՈՒԹՅԱՆ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

13. Կուսակցության գլխավոր նպատակն է ազգային արժեքների վրա հիմնված ժողովրդավարական համախմբման միջոցով պետության բազմամակարդակ արդիականացմանն աջակցելը:

14. Կուսակցությունն իր նպատակին հասնելու համար առաջնահերթ է համարում՝

1) պետության արդիականացման և ժողովրդավարական համախմբման հայկական մոդելի ներդնումը.

2) պետական կառավարման հիմքում գիտավերլուծական հարացույցի ներդնումը.

3) հանրային կառավարման գործընթացը նորարարական գիտելիքներով հարստացնելը.

4) հանրային քաղաքականության արդիականացման ռազմավարական տեսլականի մշակումը.

5) հանրային քաղաքականության արդիականացման շրջանակներում կրթության, գիտության, համագործակցության և գործընկերության գերակայություններով առաջնորդվելը.

6) հոգևոր անվտանգության և ինտելեկտուալ անկախության ամրապնդումը:

15. Կուսակցությունն իր նպատակին հասնելու համար ունի ծրագիր, որի դրույթների համաձայն մշակում և իրականացնում է իր գործունեության ուղղությունները:

III. ԿՈՒՍԱԿՑՈՒԹՅԱՆ ԱՆԴԱՄԸ

16. Կուսակցության անդամ կարող է լինել 18 տարին լրացած ընտրական իրավունք ունեցող Հայաստանի Հանրապետության քաղաքացիները, որոնք ընդունում են կուսակցության ծրագիրն ու կանոնադրությունը և չեն հանդիսանում մեկ այլ կուսակցության անդամ: Կուսակցության հիմնադիր կամ անդամ չեն կարող լինել «Կուսակցությունների մասին» ՀՀ սահմանադրական օրենքով սահմանված անձինք:

17. Կուսակցության անդամագրումն իրականացվում է կամավոր հիմունքներով, անհատական կարգով, անձնական դիմումի համաձայն՝

1) կուսակցության կազմակերպչական հանձնաժողովի որոշմամբ.

2) կուսակցության խորհրդի որոշմամբ:

18. Կուսակցության անդամը վճարում է անդամավճար (չափը կամավոր է):

19. Եթե ՀՀ Սահմանադրությամբ և օրենքներով կուսակցությանն անդամակցությունն անհնարին է դառնում, այն կասեցվում է կուսակցության անդամի դիմումի հիման վրա, կուսակցության կազմակերպչական հանձնաժողովի կամ կուսակցության խորհրդի որոշմամբ: Կասեցումը հանվում է նույն կարգով:

20. Կուսակցության անդամն իրավունք ունի՝

1) ընտրելու և ընտրվելու կուսակցության վերահսկողություն իրականացնող, ինչպես նաև ներկայացուցչական և ղեկավար մարմիններում.

2) ներկա լինելու կուսակցության համագումարի նիստերին՝ դրա մասին հերթական համագումարի անցկացման օրվանից ոչ ուշ քան 10 օր առաջ, իսկ արտահերթ համագումարի դեպքում՝ ոչ ուշ, քան 5 օր առաջ անձամբ կամ կուսակցության կազմակերպչական հանձնաժողովի միջոցով տեղեկացնելով կուսակցության խորհրդին.

3) ծանոթանալու կուսակցության մարմինների արձանագրություններին, ստանալու նրանց ընդունած որոշումների պատճենները.

4) տեղեկատվություն ստանալու կուսակցության ու նրա ղեկավար մարմինների գործունեության վերաբերյալ.

5) ստանալու փաստաթղթերի պատճեններ՝ կուսակցության կանոնադրության փոփոխությունների, գույքի կառավարումից ստացած դրամական միջոցների վերաբերյալ, ինչպես նաև ստանալու կուսակցության ֆինանսական հաշվետվությունների աուդիտն իրականացրած անկախ աուդիտորի եզրակացությունը.

6) կուսակցության ղեկավար մարմինների քննարկմանը ներկայացնել հասարակական-քաղաքական կյանքի տարբեր հարցերի վերաբերյալ նախաձեռնություններ և առաջարկություններ.

7) մասնակցել այն ժողովին կամ նիստին, որտեղ քննարկվում է նրա անձնական հարցը կամ առաջարկությունը, արտահայտել իր կարծիքը քննարկվող հարցերի վերաբերյալ.

8) բողոքարկել կուսակցության կառուցվածքային մարմինների և ստորաբաժանումների որոշումներն ու գործողությունները կուսակցության վերադաս մարմիններում.

9) կամովին դադարեցնել անդամակցությունը կուսակցությանը.

10) կասեցնել և վերականգնել իր անդամակցությունը կուսակցությանը.

11) օգտվել օրենքով և սույն կանոնադրությամբ նախատեսված այլ իրավունքներից:

21. Անդամության մասին դիմումը ստանալու օրվանից քսան աշխատանքային օրվա ընթացքում սույն կանոնադրության 17 կետում նշված կուսակցության կառուցվածքային մարմինների կողմից որոշում է կայացվում՝ դիմումատուին որպես կուսակցության անդամ գրանցելու կամ անդամակցությունը մերժելու մասին:

22. Կուսակցության անդամը պարտավոր է՝

1) գործել կուսակցության կանոնադրության շրջանակներում.

2) կատարել կուսակցության համագումարի, ղեկավար մարմինների որոշումները և ծրագրային դրույթները.

3) մասնակցել կուսակցության նշանակած ժողովներին և միջոցառումներին.

4) ՀՀ օրենսդրությամբ և սույն կանոնադրությամբ սահմանված այլ պարտականություններ:

23. Կուսակցությանն անդամակցությունը դադարում է՝

1) դիմումի համաձայն՝ կուսակցությունից դուրս գալու դեպքում.

2) կուսակցությունից հեռացվելու դեպքում.

3) սույն կանոնադրության 72-րդ կետի հիմքով.

4) մահվան դեպքում.

5) կուսակցության լուծարման դեպքում:

24. Կուսակցության անդամության դադարեցման դիմումն ընդունում է կուսակցության կազմակերպչական հանձնաժողովը, որի վերաբերյալ ընդունվում է որոշում՝ կուսակցությունից անդամի հեռացման կամ կուսակցության անդամակցության դադարեցման մասին:

25. Խրախուսման միջոցները.

Կուսակցությունը կարող է պարգևատրել՝

1) շնորհակալագրով.

2) պատվոգրով.

3) հուշամեդալով կամ հուշանվերով.

4) կարգապահական տույժի հանումով:

26. Կուսակցության կանոնադրությամբ նախատեսված պարտականությունները կամ վերադաս մարմինների որոշումները չկատարելու դեպքում կուսակցականը կարող է ենթարկվել կարգապահական պատասխանատվության՝

1) նկատողություն.

2) խիստ նկատողություն.

3) հեռացում կուսակցության շարքերից:

Կուսակցության անդամներին կարգապահական պատասխանատվության կարող է ենթարկել կուսակցության կազմակերպչական հանձնաժողովը կամ կուսակցության խորհուրդը, իսկ ներկայացուցչական և ղեկավար մարմինների անդամներին կարգապահական պատասխանատվության կարող է ենթարկել միայն կուսակցության խորհուրդը:

IV. ԿՈՒՍԱԿՑՈՒԹՅԱՆ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

27. Կուսակցությունն օրենքով սահմանված կարգով իրավունք ունի՝

1) մասնակցել համապետական և տեղական ինքնակառավարման մարմինների ընտրություններին, հանրաքվեների նախապատրաստմանն ու անցկացմանը.

2) ստեղծել կառուցվածքային ստորաբաժանումներ, ինչպես նաև լուծարել դրանք. վերջիններս կարող են ստեղծվել (լուծարվել) կուսակցության խորհրդի որոշմամբ՝ ՀՀ ամբողջ տարածքում.

3) ազատորեն տեղեկատվություն տարածելու իր գործունեության մասին, քարոզելու իր գաղափարներն ու նպատակները.

4) ընտրական գործընթացում հավասար և ոչ խտրական պայմաններով օգտվել պետական և տեղական ինքնակառավարման մարմինների հիմնադրած զանգվածային լրատվության միջոցներից.

5) հիմնադրել զանգվածային լրատվության միջոցներ և հրատարակչություններ.

6) կազմակերպել և անցկացնել խաղաղ, առանց զենքի հավաքներ և հանրային միջոցառումներ.

7) առանց իրավաբանական անձ կազմավորելու այլ կուսակցությունների հետ ստեղծել դաշինքներ (միավորումներ).

8) ունենալ քաղաքացիական իրավունքներ և կրել դրանց հետ կապված պարտականություններ.

9) հաստատել և պահպանել միջազգային կապեր այլ պետությունների կուսակցությունների և հասարակական միավորումների, միջազգային կազմակերպությունների հետ, դառնալու միջազգային միությունների անդամ.

10) ՀՀ տարածքից դուրս ունենալ ներկայացուցչություններ.

11) իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող.

12) իր գործունեության ֆինանսավորման, այդ թվում՝ նախընտրական քարոզարշավի ֆինանսավորման նպատակով ստանալու վարկեր Հայաստանի Հանրապետության տարածքում գործող բանկերից, վարկային կազմակերպություններից, ինչպես նաև ներդնել ավանդներ Հայաստանի Հանրապետության տարածքում գործող բանկերում.

13) իրականացնել օրենսդրությամբ չարգելված, իր նպատակներին համապատասխանող այլ գործունեություն:

28. Կուսակցությունը պարտավոր է՝

1) պահպանել ՀՀ Սահմանադրությունը և օրենքները, ինչպես նաև իր կանոնադրությունը, ծրագիրը և որոշումները.

2) յուրաքանչյուր տարի Հայաստանի Հանրապետության հրապարակային ծանուցումների պաշտոնական ինտերնետային կայքում՝ <http://www.azdarar.am>, հրապարակել ֆինանսական միջոցների աղբյուրների և ծախսերի, ինչպես նաև գույքի վերաբերյալ հաշվետվությունը:

V. ԿՈՒՍԱԿՑՈՒԹՅԱՆ ԿԱՌՈՒՑՎԱԾՔԸ

29. Կուսակցության կառուցվածքը հաստատվում է համագումարում:

30. Կուսակցության կառուցվածքային մարմիններն են.

1) համագումարը.

2) կուսակցության խորհուրդը, որը մշտապես գործող ղեկավար մարմինն է.

3) կուսակցության նախագահը.

4) կուսակցության փոխնախագահները.

5) կուսակցության վերահսկիչ հանձնաժողովը.

6) կուսակցության կառուցվածքային ստորաբաժանումները:

31. Կուսակցությունն օրենքով սահմանված կարգով կարող է ունենալ տարածքային ստորաբաժանումներ:

ԿՈՒՍԱԿՑՈՒԹՅԱՆ ՀԱՄԱԳՈՒՄԱՐԸ

32. Կուսակցության բարձրագույն ղեկավար մարմինը համագումարն է:

33. Համագումարը կայացնում է կուսակցության կառավարման և գործունեությանն առնչվող հարցերի վերջնական լուծման վերաբերյալ որոշումներ:

34. Համագումարը կարող է լինել հերթական կամ արտահերթ: Հերթական համագումարը հրավիրվում է երեք տարին մեկ անգամ կուսակցության խորհրդի կողմից սահմանված օրակարգով: Խորհրդի կողմից արտահերթ համագումար հրավիրվում է կուսակցության խորհրդի անդամների 2/3-ի կամ կուսակցության անդամների 1/5-ի նախաձեռնությամբ: Հերթական համագումարի հրավիրման և օրակարգի մասին կուսակցության անդամներին հայտնվում է ոչ ուշ քան 14 օր առաջ, իսկ արտահերթ համագումարի դեպքում՝ ոչ ուշ, քան 7 օր առաջ:

35. Հիմնադիր համագումարը իրավագոր է, եթե դրան մասնակցում է առնվազն 300 հիմնադիր:

36. Կուսակցության համագումարն իրավագոր է, եթե համագումարին ներկա է կուսակցության անդամների ընդհանուր թվի առնվազն կեսը, իսկ համագումարին պատվիրակների մասնակցության դեպքում՝ պատվիրակների ընդհանուր թվի առնվազն կեսը, բայց ոչ պակաս, քան 100 պատվիրակ: Եթե կուսակցության անդամների թվաքանակն անցնում է 450-ի սահմանը, ապա կուսակցության խորհրդի կողմից սահմանված կարգով համագումարին կարող են մասնակցել անդամների կողմից ընտրված պատվիրակները՝ 10 անդամից 1 պատվիրակ համամասնությամբ:

37. Կուսակցության համագումարի որոշումները, բացառությամբ օրենքով նախատեսված դեպքերի, ընդունվում են համագումարում ձայնի իրավունք ունեցող մասնակիցների ձայների մեծամասնությամբ:

Կուսակցության կանոնադրությունում և ծրագրում փոփոխություններ և լրացումներ կատարելու, ղեկավար և վերահսկողություն իրականացնող մարմինների ընտրության, մշտապես գործող ղեկավար մարմնի ղեկավարի՝ խորհրդի ընտրության, Կուսակցության վերակազմակերպման և լուծարման մասին որոշումներն ընդունվում են համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ:

38. Համագումարը՝

1) քննարկում և հաստատում է կուսակցության կանոնադրությունը, դրանում կատարված փոփոխությունները և լրացումները.

2) ընդունում է կուսակցության ծրագիրը, դրանում կատարված փոփոխությունները և լրացումները.

3) հաստատում է կուսակցության նախագահի հաշվետվությունը՝ կուսակցության գործունեության մասին.

4) ընտրում է կուսակցության խորհուրդը.

5) որոշում է ընդունում խորհրդի կազմալուծման մասին.

6) ընտրում է կուսակցության նախագահին.

7) հաստատում է վերահսկիչ հանձնաժողովի կազմավորման ձևը և կարգը, անդամների թիվը.

8) ընտրում է վերահսկիչ հանձնաժողովի անդամներին.

9) որոշում է ընդունում վերահսկիչ հանձնաժողովի կազմալուծման մասին.

10) հաստատում է կուսակցության վերահսկիչ հանձնաժողովի հաշվետվությունը.

11) որոշում է ընդունում կուսակցության վերակազմակերպման և (կամ) լուծարման մասին:

12) հաստատում է Ազգային ժողովի հերթական ընտրություններում կուսակցության ընտրական ցուցակում թեկնածուների՝ առնվազն առաջին երեք տասնյակը:

ԿՈՒՍԱԿՑՈՒԹՅԱՆ ԽՈՐՀՈՒՐԴԸ

39. Խորհուրդը կուսակցության մշտապես գործող ղեկավար մարմինն է, որը ձևավորվում է և գործում է կոլեգիալության սկզբունքով: Խորհրդի անդամների թիվը որոշում է համագումարը: Խորհրդի անդամության թեկնածուներն առաջադրվում են համագումարի պատվիրակների կողմից:

40. Կուսակցության խորհրդի անդամները ընտրվում են կուսակցության համագումարի կողմից երեք տարի ժամկետով՝ գաղտնի քվեարկությամբ: Ընտրված են համարվում համագումարում ձայնի իրավունք ունեցող մասնակիցների ընդհանուր թվի ձայների մեծամասնությունը ստացած թեկնածուները:

41. Կուսակցության խորհուրդը՝

1) իրականացնում է կուսակցության ամենօրյա կառավարումը, մշակում է կուսակցության մարտավարությունը, ընդունում է որոշումներ, հաստատում է կուսակցության ռազմավարությունը և ընդունում է գործողությունների ծրագրեր.

2) կուսակցության անունից անում է հայտարարություններ.

3) հաստատում է կուսակցության տարեկան բյուջեն և դրա հիման վրա՝ կուսակցության ծախսերի նախահաշիվը.

4) քննարկում է կուսակցության տարեկան բյուջեի կատարողականի վերաբերյալ հաշվետվությունը.

5) որոշում է ընդունում համապետական և տեղական ինքնակառավարման մարմինների ղեկավարների և ավագանու թեկնածուներ առաջադրելու մասին.

6) ձևավորում է Ազգային ժողովի ընտրություններին և համամասնական ընտրակարգով ընտրվող համայնքների ավագանիների ընտրությունների ընտրական ցուցակները: Ընտրական ցուցակները ձևավորվում են «Հայաստանի Հանրապետության ընտրական օրենսգիրք» սահմանադրական օրենքով ընտրական ցուցակներին ներկայացվող պահանջներին

համապատասխան: Ընտրական ցուցակների ձևավորման ժամանակ հաշվի են առնվում կուսակցությունների անդամների, ինչպես նաև կառուցվածքային ստորաբաժանումների ներկայացրած առաջարկությունները (տվյալ նիստին մասնակցում են կուսակցության բոլոր կառուցվածքային ստորաբաժանումների ղեկավարները):

7) փոփոխություններ է կատարում համագումարի կողմից Ազգային ժողովի ընտրությունների համար հաստատված ընտրական ցուցակներում, եթե համագումարի կողմից հաստատվելուց հետո ընտրական ցուցակում փոփոխություն կատարելու անհրաժեշտությունն առաջացել է կուսակցության կամքից անկախ պատճառներով:

8) հաստատում է Ազգային ժողովի հերթական ընտրություններում կուսակցության ընտրական ցուցակը թեկնածուների այն մասով, որոնց հաստատումը օրենքով և սույն կանոնադրությամբ վերապահված չէ համագումարին, ինչպես նաև հերթական և արտահերթ ընտրություններում կուսակցությունների դաշինքի ընտրական ցուցակը:

9) քննարկում և հաստատում է կուսակցության նախընտրական ծրագիրը:

10) քննարկում և հաստատում է կուսակցության քաղաքական գործունեության հիմնական ուղղությունները՝ այդ թվում, Ազգային ժողովում և (կամ) կառավարությանը մաս կազմելու դեպքում:

11) ստեղծում և կազմալուծում է կուսակցության կառուցվածքային ստորաբաժանումները (մասնագիտացված հանձնաժողովներ), նշանակում է դրանց ղեկավար և վերահսկողություն իրականացնող մարմիններ, վերահսկում է դրանց աշխատանքները:

12) ընդունում և հաստատում է կուսակցության անդամակցության դիմումները, կուսակցությունից դուրս գալու դիմումները, կուսակցության անդամների նկատմամբ կիրառում է կանոնադրությամբ սահմանված խրախուսանքներ և տույժեր:

13) հաստատում է կուսակցության աշխատողների հաստիքացուցակը և դրույքաչափերը:

14) քննարկում և որոշում է կայացնում այլ պետությունների քաղաքական կուսակցությունների հետ համագործակցելու, միջազգային միություններին անդամագրվելու մասին:

15) հրավիրում է կուսակցության հերթական համագումարը, նախապատրաստում և կազմակերպում է դրա անցկացումը, որոշում է կայացնում համագումարի օրակարգի նախագիծը հաստատելու մասին, հաստատում է համագումարի գումարման օրը, պատվիրակների ցուցակը և ընդհանուր թիվը:

16) մշակում և համագումարի հաստատմանն է ներկայացնում փոփոխությունները կանոնադրությունում և ծրագրում, դրանց հարակից այլ փաստաթղթերում:

17) որոշում է կայացնում կուսակցության արտահերթ համագումար հրավիրելու մասին՝ խորհրդի անդամների 2/3-ի նախաձեռնությամբ կամ կուսակցության անդամների 1/5-ի առաջարկությամբ:

18) քննարկում և որոշում է կայացնում դիմել համագումարին կուսակցության նախագահի հետկանչի պահանջով, խորհրդի անդամների ձայների առնվազն 2/3-ի հիման վրա:

19) անհրաժեշտության դեպքում հանդես է գալիս կուսակցության վերակազմակերպման և (կամ) լուծարման նախաձեռնությամբ,

20) որոշում է կայացնում կուսակցության լուծարման մասին, եթե համագումարն իրավազոր չի եղել:

21) որոշում է կայացնում կուսակցության գործունեության բոլոր այն հարցերի վերաբերյալ, որոնք կանոնադրությամբ վերապահված չեն կուսակցության համագումարի կամ նախագահի իրավասությանը:

22) իրականացնում է օրենքով և կանոնադրությամբ վերապահված այլ գործառույթներ:

42. Կուսակցության խորհուրդն իր գործունեությունն իրականացնում է նիստերի հրավիրման, քննարկումների կազմակերպման, որոշումների ընդունման և համագումարի որոշումների կատարման միջոցով:

43. Կուսակցության խորհուրդը նախագահում է կուսակցության նախագահը, իսկ վերջինիս բացակայության դեպքում՝ կուսակցության փոխնախագահներից մեկը՝ խորհրդի անդամների որոշմամբ:

44. Խորհրդի նիստ է հրավիրվում առնվազն ամիսը մեկ անգամ կուսակցության նախագահի, փոխնախագահներից մեկի կամ խորհրդի ցանկացած այլ անդամի նախաձեռնությամբ: Խորհրդի արտահերթ նիստ կարող է հրավիրվել կուսակցության նախագահի, փոխնախագահներից մեկի կամ խորհրդի ցանկացած այլ անդամի նախաձեռնությամբ: Որոշումներն ընդունվում են խորհրդի անդամների ընդհանուր ձայների թվի պարզ մեծամասնությամբ, փակ կամ բաց քվեարկությամբ: Նիստն օրինական է, եթե ներկա է խորհրդի անդամների առնվազն 2/3-ը:

ԿՈՒՍԱԿՑՈՒԹՅԱՆ ՆԱԽԱԳԱՀԸ

45. Կուսակցության նախագահի թեկնածություններն առաջադրվում են համագումարում՝ համագումարում ձայնի իրավունք ունեցող մասնակիցների կողմից:

46. Կուսակցության նախագահն ընտրվում է կուսակցության համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ, երեք տարի ժամկետով, գաղտնի քվեարկությամբ:

47. Կուսակցության նախագահը՝

1) իրականացնում է կուսակցության ընդհանուր ղեկավարումը:

2) ի պաշտոնե հանդիսանում է մշտապես գործող ղեկավար մարմնի՝ կուսակցության խորհրդի ղեկավար:

3) ստորագրում է խորհրդի որոշումները և նիստերի արձանագրությունները:

4) ներկայացնում է կուսակցությունը և առանց լիազորագրի հանդես է գալիս կուսակցության անունից:

5) տալիս է լիազորագրեր:

6) ապահովում և վերահսկում է համագումարի և խորհրդի որոշումների կատարումը:

7) իր իրավասության սահմաններում կայացնում է որոշումներ կուսակցության գործունեության ընթացիկ հարցերի վերաբերյալ և ստորագրում է հրամաններ,

կարգադրություններ և անհրաժեշտ այլ փաստաթղթեր, կուսակցության անունից ստորագրում է պայմանագրեր և համաձայնագրեր.

8) կուսակցության անունից կնքում է քաղաքացիաիրավական գործարքներին առնչվող փաստաթղթեր.

9) օրենքով և սույն կանոնադրությամբ սահմանված կարգով տնօրինում է կուսակցության գույքը, միջոցները, խորհրդի քննարկմանը և հաստատմանն է ներկայացնում կուսակցության աշխատողների հաստիքացուցակը և դրույքաչափերը.

10) խորհրդի քննարկմանն ու հաստատմանն է ներկայացնում կուսակցության տարեկան բյուջեն և դրամական ծախսերի նախահաշիվները.

11) կայացնում է որոշումներ՝ կուսակցության մարմինների կողմից կանոնադրությամբ սահմանված իրենց լիազորությունների չկատարման դեպքում՝ կուսակցության անխափան գործունեությունն ապահովելու համար.

12) իրականացնում է սույն կանոնադրությամբ և կուսակցության համագումարի կողմից իրեն վերապահված այլ լիազորություններ:

ԿՈՒՍԱԿՑՈՒԹՅԱՆ ՓՈԽՆԱԽԱԳԱՀՆԵՐԸ

48. Կուսակցության փոխնախագահներն ընտրվում են խորհրդի կազմից՝ բաց քվեարկությամբ, խորհրդի անդամների ձայների պարզ մեծամասնությամբ, երեք տարի ժամկետով:

49. Կուսակցության փոխնախագահները համակարգում են գործունեության տարբեր ոլորտներ՝ նախագահի առաջարկությամբ կամ խորհրդի որոշմամբ.

50. Կուսակցության փոխնախագահներից մեկը փոխարինում է կուսակցության նախագահին, սույն կանոնադրության 43-րդ կետով սահմանված կարգով:

ԿՈՒՍԱԿՑՈՒԹՅԱՆ ԿԱՌՈՒՅՎԱԾՔԱՅԻՆ ՍՏՈՐԱԲԱԺԱՆՈՒՄՆԵՐԸ (ՄԱՍՆԱԳԻՏԱՑՎԱԾ ՀԱՆՁՆԱԺՈՂՈՎՆԵՐԸ)

51. Կուսակցության կառուցվածքային ստորաբաժանումները (մասնագիտացված հանձնաժողովները) կազմավորվում են կուսակցության խորհրդի կողմից: Կուսակցության մասնագիտացված հանձնաժողովների թիվը հաստատուն չէ: Դրանց քանակը, ինչպես նաև անդամների կազմը և թիվը կարող է փոփոխվել կուսակցության խորհրդի կողմից:

52. Կուսակցության մասնագիտացված հանձնաժողովի ղեկավարը նշանակվում է կուսակցության խորհրդի կողմից: Կուսակցության մասնագիտացված հանձնաժողովի ղեկավարը համակարգում է հանձնաժողովի աշխատանքները, հետևում է կուսակցության խորհրդի կողմից տրված հանձնարարականների կատարմանը և համապատասխան աշխատանքների իրականացման մասին հաշվետվություն է ներկայացնում կուսակցության խորհրդին և վերահսկիչ հանձնաժողովին:

53. Կուսակցության մասնագիտացված հանձնաժողովի կառուցվածքը, կազմակերպչական գործունեության առանձնահատկությունները կարգավորվում են կուսակցության խորհրդի կողմից սահմանված կարգով:

VI. ԿՈՒՍԱԿՑՈՒԹՅԱՆ ՎԵՐԱՀՍԿԻՉ ՀԱՆՁՆԱԺՈՂՈՎԸ

54. Կուսակցության գործունեության վերահսկման նպատակով համագումարի կողմից ընտրվում է առնվազն երեք անդամից բաղկացած վերահսկիչ հանձնաժողով երեք տարի ժամկետով, որը հաշվետու է կուսակցության համագումարին:

55. Վերահսկիչ հանձնաժողովն իր գործունեությունն իրականացնում է հետևյալ ոլորտներում՝

- 1) կուսակցության դրամական միջոցների ձևավորման և ծախսման գործընթացներ.
- 2) կուսակցության անդամների գործունեության համապատասխանությունը կուսակցության ծրագրերին և կանոնադրությանը.
- 3) կուսակցության հանձնաժողովների և կառուցվածքային ստորաբաժանումների գործունեություն.
- 4) կուսակցության գույքի տնօրինում, տիրապետում և օգտագործում.
- 5) կուսակցության համագումարի կողմից վերապահված այլ գործառույթներ:

56. Վերահսկիչ հանձնաժողովի անդամը չի կարող լինել կուսակցության ղեկավար որևէ մարմնի անդամ:

57. Վերահսկիչ հանձնաժողովն իր կազմից ընտրում է հանձնաժողովի նախագահ՝ հանձնաժողովի աշխատանքները համակարգելու նպատակով:

58. Վերահսկիչ հանձնաժողովի նիստերը հրավիրվում են ըստ անհրաժեշտության, բայց ոչ պակաս, քան տարին երկու անգամ՝ հանձնաժողովի նախագահի կամ անդամի կողմից:

59. Վերահսկիչ հանձնաժողովի նիստերը կայանում են նրա անդամների 2/3-ի մասնակցությամբ, որոշումներն ընդունվում են նիստի մասնակիցների ձայների պարզ մեծամասնությամբ:

VII. ԿՈՒՍԱԿՑՈՒԹՅԱՆ ՍԵՓԱԿԱՆՈՒԹՅՈՒՆԸ ԵՎ ԴՐԱՄԱԿԱՆ ՄԻՋՈՑՆԵՐԸ

60. Կուսակցության սեփականությունը, այդ թվում՝ ծրագրային և կանոնադրական խնդիրների իրականացման համար անհրաժեշտ շինություններ, փոխադրական միջոցներ և այլ գույք, գոյանում են՝ նվիրատվություններից, սահմանված կարգով իրականացված գործունեությունից և օրենքով չարգելված այլ աղբյուրներից:

61. Կուսակցության կողմից ստացված, ինչպես նաև նրա սեփական միջոցների հաշվին ստեղծված և (կամ) ձեռք բերված գույքի սեփականատերը կուսակցությունն է:

62. Կուսակցության ոլորտային կառուցվածքային ստորաբաժանումները սեփականատիրոջ կողմից իրենց հատկացված գույքը տիրապետում և օգտագործում են կուսակցության խորհրդի կողմից նախատեսված սահմաններում ու կարգով:

63. Դրամական միջոցները ձևավորվում են անդամավճարներից, օրենքով նախատեսված նվիրատվություններից, օրենքով նախատեսված բյուջետային

ֆինանսավորումից, քաղաքացիական իրավական գործարքներից և օրենսդրությամբ չարգելված այլ մուտքերից:

64. Կուսակցության գույքը և դրամական միջոցները տնօրինում է կուսակցության նախագահը կամ նրա կողմից լիազորվելու դեպքում կարող է տնօրինել կուսակցության փոխնախագահներից կամ խորհրդի անդամներից մեկը՝ ըստ կուսակցության խորհրդի կողմից հաստատված նախահաշվի և կարգի:

65. Կուսակցության հիմնադիրները և անդամները կուսակցությանը որպես սեփականություն հանձնած գույքի (ներառյալ անդամավճարների) նկատմամբ իրավունքներ չունեն: Նրանք պատասխանատու չեն կուսակցության պարտավորությունների, իսկ կուսակցությունը՝ իր հիմնադիրների և անդամների պարտավորությունների համար:

VIII. ԿՈՒՍԱԿՑՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ (ԿԱՄ) ԼՈՒԾԱՐՈՒՄԸ

66. Կուսակցության վերակազմակերպումը և (կամ) լուծարումը կարող է կատարվել կուսակցության համագումարի որոշմամբ ՀՀ օրենսդրությամբ և սույն կանոնադրությամբ սահմանված կարգով: Կուսակցությունը կարող է վերակազմակերպվել (միաձուլվել, միանալ, բաժանվել, առանձնանալ) մեկ այլ կուսակցության (կուսակցությունների):

67. Կուսակցության վերակազմակերպման և (կամ) լուծարման նախաձեռնությամբ կարող է հանդես գալ կուսակցության խորհուրդը կամ կուսակցության համագումարում ձայնի իրավունք ունեցող մասնակիցների առնվազն 2/3-ը՝ գրավոր պահանջով:

68. Կուսակցությունը կարող է վերակազմակերպվել և (կամ) լուծարվել, որի մասին որոշումն ընդունվում է կուսակցության համագումարում ձայնի իրավունք ունեցող մասնակիցների ընդհանուր թվի ձայների մեծամասնությամբ:

69. Կուսակցության լուծարման դեպքում օրենքով սահմանված կարգով բավարարվում են պարտավորությունները, այնուհետև մնացած գույքն ուղղվում է կուսակցության կանոնադրությամբ նախատեսված պահանջներին, իսկ դրա անհնարինության դեպքում փոխանցվում է պետական բյուջե:

70. Եթե կուսակցության լուծարման համար հրավիրված համագումարն իրավազոր չէ, ապա կուսակցության լուծարման մասին որոշումն ընդունում է կուսակցության խորհուրդը: Իսկ կուսակցության խորհրդի իրավազոր չլինելու դեպքում այն լուծարվում է կուսակցության հիմնադիրներից մեկի որոշմամբ: Այս դեպքում կուսակցության լուծարման մասին որոշումը համարվում է ընդունված, եթե որոշումը կայացնելու օրվանից հետո՝ երեք ամսվա ընթացքում, կուսակցության համագումարը կամ խորհուրդը այլ որոշում չի կայացրել:

71. Եթե օրենքով սահմանված կարգով արգելվել է կուսակցության գործունեությունը, ապա կուսակցության նկատմամբ սկսվում է լուծարման գործընթաց և լուծարային հանձնաժողովի իրավասություններն իրականացնում է վերահսկիչ-վերստուգիչ ծառայության կողմից ստեղծված հանձնաժողովը:

72. Կուսակցության լուծարման նախաձեռնությունը համագումարի կողմից մերժվելու դեպքում, այդ մասին որոշման ընդունման պահից, դադարեցվում է լուծարման

նախաձեռնությամբ հանդես եկած կուսակցության անդամների անդամակցությունը, և անհրաժեշտության դեպքում կատարվում են նոր ընտրություններ:

73. Սույն կանոնադրությամբ չկարգավորված հարցերը կարգավորվում են Հայաստանի Հանրապետության օրենսդրությամբ:

